



Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu Naalakkersuisunut kaammattuutigaa suleqatigiillutik suleqatigiissitamik nunat avannarliit killiit niperujoorutaannik erinarsuutaannillu nuutilersukkanik saqqummersitsinissamut katersuisussamik ilisimasalinnik susassaqtartunik ilaasortalimmik pilersitseqqullugit. Nunani pingasuni taamatut saqqummersitsinissamut aningaasartuutissat suleqatigiissitap qulaajassavaattaaq.

(Aallartitat siulittaasuat Vivian Motzfeldt)

(Siullermeerneqarnera)

Demokraatinit maanna naatsunnguamik oqaaseqassaagut. Nunarsuarput Kalaallit Nunaallu massakkorpiaq Corona peqqutigalugu aningaasatigut unammillernartumiippugut. Taamaammallu qanoq iliorluta inuiaqatigiinni aningaasartuutigut minnerpaaffimmiitinnissaat ukkatarisariaqarparput.

Tungaviatigut suleqatigiilluta nunat avannarliit killiit niperujoorutaannik erinarsuutaannillu nuutilersukkanik atuakkamik saqqummersitsinissarput isumassarsiaavoq pitsaallunilu nuannersoq. Taamaattorli niperujoorutininik erinarsuutinillu nuutilersukkanik atuagaaraq inuiaqatigiit ingerlanissaanut massakkorpiaq pisariaqavissuunnginnera isumaqarfigaarput.

Siunnersuutip suleqatigiissitamik pilersitsinissamut 300.000 koruuninik naleqassaaq, kingornalu aamma isumassarsiap piviusunngortinnissaanut aningaasartuutitaqassalluni. Demokraatit isumaqanngillat massakkorpiaq aningaasatigut inissisimaffitsinniitilluta taamaattunut aningaasartuuteqarnissarput inissaminiittoq.

Taamaattumik suleqatigiissitassat aatsaat ivertinneqassasut COVID-19-mut tunngasut tamarmik inissinneqareerpata.

Siunnersuutigineqartoq paasilluarlugu innersuupparput aaliangiiffigisussanngorlugu Nunat Avannarliit ataatsimiitsitaliaannut suliareqqitassanngorlugu